

## Izvještaj o radu Uprave policije MUP-a Kantona Sarajevo za mjesec oktobar 2020. godine

### KRIMINALITET

#### STATISTIČKI POKAZATELJI

U mjesecu oktobru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 673 događaja sa obilježjem krivičnog djela (što je za 228 ili 51,2% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 334 ili 49,6% je evidentirano po poznatom izvršiocu, a 339 ili 50,4% po nepoznatom izvršiocu.

Od ukupno 339 događaja sa obilježjem krivičnog djela evidentiranih po nepoznatom izvršiocu, naknadno su rasvijetljeno 73 ili 21,5% (što je za 6,1% manje u odnosu na uporedni mjesec) od čega je 50 registrovano tokom izvještajnog mjeseca, a 23 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 364 obavijesti (82 više) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU OKTOBRU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>OKTOBAR 2020. GODINE</b>	<b>673</b>	<b>334</b>	<b>339</b>	<b>73</b>	<b>23</b>	<b>270</b>	<b>5</b>	<b>145</b>	<b>96</b>
OKTOBAR 2019. GODINE	445	249	196	54	30	292	14	162	127
<i>uporedba</i>	228	85	143	19	-7	-22	-9	-17	-31
	51,2%	34,1%	72,9%	35,1%	-23,3%	-7,5%	-64,2%	-10,5%	-24,4%

U toku mjeseca oktobra ove godine prijavljeno je 270 lica (22 manje), 145 povratnika (17 manje), 5 maloljetnika (9 manje), a 96 lica je lišeno slobode (31 manje).

Za događaje sa obilježjem krivičnog djela, koji su evidentirani u mjesecu oktobru 2020. godine, prema izjavama oštećenih lica, nastupila je materijalna šteta u ukupnom iznosu od 597.505,40 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA  
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH  
OKTOBAR 2020./2019. GODINE**

KZ FBiH-a i KZ BiH-a	OKTOBAR 2020. GODINE	OKTOBAR 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	17	21	-4	-19%	16	1	1	100%
Protiv slobode i prava čovjeka i građanina	25	20	-5	-25%	24	1	1	100%
Protiv spolne slobode i morala	0	9	-9	100%	0	0	0	---
Protiv braka, porodice i mladeži	26	31	-5	-16,1%	26	0	0	---
Protiv zdravlja ljudi	45	47	-2	-4,3%	45	0	0	---
Protiv imovine	346	237	109	45,9%	22	324	70	20,4%
Protiv okoliša, poljoprivrede i prirodnih dob.	3	1	2	200%	1	2	0	---
Protiv opće sigurnosti ljudi i imovine	10	9	1	11,1%	2	8	2	25%
Protiv sigurnosti javnog prometa	6	11	-5	-45,5%	6	0	0	---
Protiv pravosuđa	1	3	-2	-66,7%	0	1	0	---
Protiv javnog reda i pravnog prometa	24	43	-19	-69,8%	24	0	0	0%
Protiv podmićivanja i KD protiv službene i druge odgovorne funkcije	168	11	157	142%	168	0	0	---
ZONDINOIM-a (Sl.novine Kantona Sarajevo br.01/18)	2	2	0	0	0	2	0	---
<b>UKUPNO</b>	<b>673</b>	<b>445</b>	<b>228</b>	<b>51,2%</b>	<b>334</b>	<b>339</b>	<b>74</b>	<b>22%</b>

U mjesecu oktobru 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 228 ili 51,2%. Najznačajnije povećanje zabilježeno je u oblastima: protiv podmićivanja i KD protiv službene i druge funkcije (za 157 događaja) i protiv imovine (za 109 događaja), dok su smanjenja evidentirana u oblastima protiv: javnog reda i pravnog prometa (za 19), spolne slobode i morala (za devet događaja), braka, porodice i mladeži (za pet), života i tijela (za četiri) itd.

#### **PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

##### **PROTIV ŽIVOTA I TIJELA**

U toku mjeseca oktobra 2020. godine evidentirano je 17 događaja sa obilježjem krivičnog djela iz oblasti protiv života i tijela (četiri manje u odnosu na oktobar 2019. godine) i to 16 po poznatom i jedan događaj po nepoznatom izvršiocu. Evidentirani su slijedeći događaji:

- ubistvo u pokušaju (član 166. U vezi člana 28 KZ FBiH) – dva,
- teška tjelesna ozljeda (član 172. KZ FBiH) – tri,
- lahka tjelesna ozljeda (član 173. KZ FBiH) – jedanaest,
- učestvovanje u tuči (član 174. KZ FBiH) - jedan događaj.

Nadležnom tužilaštvu podneseni su službeni izvještaji protiv 13 lica, od kojih je sedam povratnika, a pet je lišeno slobode.

##### **PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 25 događaja sa obilježjem krivičnog djela (pet manje) i to ugrožavanje sigurnosti za čije izvršenje je prijavljeno 27 lica, od kojih je dvanaest povratnika (ili 48%), a jedno je lišeno slobode.

Događaji sa obilježjem krivičnog djela ugrožavanja sigurnosti evidentirani su u kojima su izvršioци upućivanjem verbalnih prijetnji, pisanih i prijetećih poruka ugrozili sigurnost oštećenih lica.  
PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu oktobru evidentirano je 26 događaja sa obilježjem krivičnog djela (pet manje) i to nasilje u porodici, za čije je izvršenje je prijavljeno 26 lica, od kojih je 11 povratnika (ili 42,3%), a 15 je lišeno slobode.

#### PROTIV ZDRAVLJA LJUDI

Evidentirano je 45 događaja sa obilježjem krivičnog djela iz ove oblasti (dva manje) i to:

- nepostupanje po zdravstvenim propisima za vrijeme pandemije (čl.226. KZ FBiH) – dva,
- neovlašćena proizvodnja i stavljanje u promet opojnih droga (čl. 238. KZ FBiH) – jedan,
- posjedovanje i omogućavanje uživanja opojnih droga (čl. 239. KZ FBiH) – 42 događaja.

Nadležnom tužilaštvu podneseni su službeni izvještaji protiv 45 lica, među kojima je 27 povratnika (ili 60%) i 23 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv povratnika u činjenju krivičnih djela, zbog zbog postojanja osnova sumnje da je u proteklom periodu u više navrata kupovao opojnu drogu "Speed", na raznim lokalitetima, od za sada nepoznatih lica, istu prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 42 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

#### PREGLED ODUZETE KOLIČINE OPOJNIH DROGA U MJESECU OKTOBRU 2020/19. GODINE

VRSTA OPOJNE DROGE	OKTOBAR 2020.GOD	OKTOBAR 2019. GOD.
Marihuana (u gramima)	179,455	2.071
Marihuana (paketići)	6	58
Marihuana (ručno pravljene cigarete)	2	6
Heroin (paketići)	0	1
Amfetamin (paketići)	5	0
Amfetamin (u gramima)	146,577	35
Ecstasy (tablete)	0	42,5
Canabis (stabljike)	0	1
Pribor sa ostacima droge	0	12

#### PROTIV IMOVINE

U ovom mjesecu, evidentirana su 346 događaja sa obilježjem krivičnog djela protiv imovine (22 po poznatom i 324 po nepoznatom izvršioци) što je za 109 ili 45,9% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 166 (62 više),
- krađa (član 286. KZ FBiH) – 113 (53 više),
- oštećenje tuđe stvari (član 293. KZ FBiH) – 30 (13 više)
- razbojništvo (član 289. KZ FBiH) – 26 (tri manje), itd.

Nadležnom tužilaštvu podneseni su službeni izvještaji protiv 149 lica, od kojih je 61 povratnik (ili 40,9%), a 41. lice je lišeno slobode.

Od ukupno 324 događaja, evidentiranih po nepoznatom izvršiocu iz oblasti protiv imovine, naknadno je rasvijetljeno 66 ili 20,4%, što je za 5,3% manje u odnosu na oktobar 2019. godine.

Takođe, evidentirano je 16 otuđenja motornih vozila, od čega su četiri pronađena i vraćena vlasnicima (vozila su vraćena od strane Uprave policije MUP-a KS).

Broj otuđenih motornih vozila u odnosu na uporedni mjesec smanjen je za tri ili 33,3%.

U mjesecu oktobru ove godine evidentirana su 26 događaja sa obilježjem krivičnog djela razbojništva (tri manje).

Nadležnom tužilaštvu podneseni su službeni izvještaji protiv 15 lica, od kojih je šest povratnika (ili 40%), a devet je lišeno slobode. Od ukupno 24 događaja razbojništva evidentiranih po nepoznatom izvršiocu, naknadno je rasvijetljeno pet ili 20,8%.

Razbojništva su izvršena prijetnjom upotrebe vatrenog oružja - četiri puta, prijetnjom upotrebe noža ili drugog oštrog predmeta – sedam i upotrebom fizičke snage – petnaest puta, a počinjena su u poslovnim prostorijama – šest puta, na ulici – 14, u sportskim kladionicama – dva, u apoteci, na benzinskoj pumpi, tramvajskom stajalištu i dvorištu kuće – po jednom. Otuđivani su mobiteli, novac, cigarete, nakit itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 10 događaja (jedan više) i to: izazivanje opće opasnosti – osam i nesavjesno čuvanje pasa i drugih opasnih životinja – dva, za čije izvršenje su nadležnom tužilaštvu podneseni službeni izvještaji protiv tri lica, a jedno lice je lišeno slobode.

#### PROTIV JAVNOG REDA I PRAVNOG PROMETA

U ovoj oblasti evidentirana su 24 događaja sa obilježjem krivičnog djela (19 manje) i to: krivotvorenje isprave – 13, nasilničko ponašanje – četiri, nedozvoljeno držanje oružja ili eksplozivnih materija – tri, napad na službenu osobu u vršenju poslova sigurnosti – tri, skidanje ili povreda službenog pečata ili znaka – jedan događaja.

Nadležnom tužilaštvu podneseni su službeni izvještaji protiv 26 lica od kojih je 17 povratnika, a osam lica je lišeno slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu oktobru 2020. godine evidentirano je pet događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2019. godine smanjen je broj maloljetnih lica za 9 ili 64,2%, kao i broj događaja sa obilježjem krivičnog djela za 8 ili 61,5%. Prijavljeni maloljetnici su u dobi od 14 do 16 godina – jedan, od 16 do 18 godina – četiri.

#### STAROSNA DOB MALOLJETNIH LICA OKTOBAR 2020/2019. GODINU

MJESEC	od 14 do 16 god.	od 16 do 18 god.	ukupno
OKTOBAR 2020. godina	1	4	5
OKTOBAR 2019. godina	8	5	14

## **OSTALA PROTIVPRAVNA I ASOCIJALNA PONAŠANJA**

### **AKTIVIRANJE MINSKO-EKSPLOZIVNIH SREDSTAVA**

U toku mjeseca oktobra 2020. godine na području Kantona Sarajevo evidentirana su tri događaja aktiviranja minsko-eksplozivnih sredstava usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U toku mjeseca oktobra 2020. godine evidentirana je jedna anonimna dojava o postavljenoj eksplozivnoj napravi (pet manje u odnosu na oktobar 2020. godine).

### **POŽARI**

U mjesecu oktobru 2020. godine, na području Kantona Sarajevo registrovano je 18 požara (tri manje u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima sedam požara je izazvano namjerno, četiri požara je izazvano zbog tehničkih nedostataka, dok uzroci sedam požara spadaju u kategoriju ostalih.

Objekti registrovanih požara bili su:

- Saobraćajno sredstvo - sedam,
- Stambeni objekat – dva,
- Poslovni prostor – dva,
- Pomoćni objekat – tri,
- Ostali objekti - četiri puta.

### **SAMOUBISTVA**

U mjesecu oktobru 2020. godine na području Kantona Sarajevo registrovana su dva samoubistva (jedan manje u odnosu na oktobar prošle godine), koja su izvršena: vješanjem i skokom sa visine.

Samoubistva su izvršili muškarci starosti: od 30 do 40 i preko 80 godina.

## **OSTALE AKTIVNOSTI**

U sklopu aktivnosti na oduzimanju nelegalno posjedovanog oružja i drugih predmeta oduzeta je jedna puška M-48, pet pištolja, jedan automatski pištolj, dvije ručne bombe, jedan nož, devet komada municije raznog kalibra, itd.

Tokom mjeseca oktobra ove godine fizičkim licima izdata su 162 odobrenja za nabavku vatrenog oružja i 165 oružnih listova.

Takođe, u mjesecu oktobru 2020. godine preduzimane su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije MUP-a Kantona Sarajevo.

## **JAVNI RED I MIR**

U toku mjeseca oktobra 2020. godine u oblasti javnog reda i mira evidentirano je 912 prekršaja (575 više u odnosu na isti mjesec 2019. godine), za čije izvršenje je prijavljeno 929 lica (565 više u odnosu na isti mjesec 2019 godine), od čega je 88 povratnika u činjenju prekršaja.

Zbog učinjenih prekršaja u oblasti javnog reda i mira izdat je 871 nalog i podnesen je 41 zahtjev za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 895 prekršaja, a na prekršaje koji su utvrđeni Odlukom općinskih vijeća o javnom redu i miru 17 prekršaja.

Od ukupnog broja prijavljenih lica, prema starosnoj strukturi, najbrojniji su u dobi između 26 i 35 godina (390), od 19 i 25 godina (328), preko 36 godina (209) i do 18 godina (2).

Prilikom narušavanja javnog reda i mira u mjesecu oktobru 2020. godine, nije bilo teže povrijeđenih lica (isto kao u oktobru 2019. godine), dok je 7 lica (osam manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
OKTOBAR 2020/2019.GODINA

STRUKTURA PREKRŠAJA	oktobar 2020.	oktobar 2019.	+ -
UKUPNO prekršaja	912	337	+575
UKUPNO lica	929	364	+565
Prekršaji prema Zakonu JRiM:	895	296	+599
-Tuča	25	38	-13
-Naročito drsko ponašanje	46	46	---
-Odbijanje naređenja i omalovažavanje pol. služb.	15	33	-18
-Prosjačenje	114	123	-9
-Uživanje opojne droge na javnom mjestu	7	4	+3
-Svađa, vika, nepristojno ponašanje	13	5	+8
-Ostali prekršaji	675	47	+628
Prekršaji prema Odluci općinskih vijeća o JRM	17	41	-24

Iz tabelarnog pregleda vidljivo je, da je tokom mjeseca oktobra 2020. godine, u odnosu na oktobar prethodne godine prema strukturi prekršaja povećan broj:

- ostalih prekršaja - za 628,
- svađe, vike, nepristojnog ponašanja - za osam,
- uživanja opojne droge na javnom mjestu – za tri prekršaja.

dok je smanjen broj:

- prekršaja koji su regulisani Odlukom općinskih vijeća - za 24,
- odbijanja naređenja i omalovažavanje policijskih službenika - za 18,
- tuča - za 13,
- prosjačenja - za devet prekršaja.

Prema mjestu izvršenja, najveći broj prekršaja evidentiran je na ulici i na drugim otvorenim prostorima 894 (98% od ukupnog broja), a znatno manje u ugostiteljskim objektima - dva i na ostalim mjestima - 16 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA OKTOBAR 2020/2019.  
GODINE

MJESTO IZVRŠENJA	OKTOBAR 2020.	OKTOBAR 2019.	+ -
Ulica i drugi otvoreni prostor	894	302	+592
Ugostiteljski objekti	2	13	-11
Vozila javnog saobraćaja	0	0	0
Škole i školska dvorišta	0	5	-5
Trgovine i zanatske radnje	0	0	0
Sportski stadioni i dvorane	0	0	0
Ostala mjesta	16	17	-1
UKUPNO	912	337	+575

U odnosu na isti mjesec 2019. godine, znatno je povećan broj prekršaja izvršenih na ulici i drugim otvorenim prostorima (za 592) dok je smanjenje evidentirano: u ugostiteljskim objektima (za 11), školama i školskim dvorištima (za pet) i na ostalim mjestima (za jedan prekršaj).

Na području Kantona Sarajevo u mjesecu oktobru 2020. godine održano je 309 javnih skupova (8 manje). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 27 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu oktobru 2020. godine u odnosu na isti mjesec prethodne godine povećan je ukupan broj saobraćajnih nezgoda i broj nezgoda sa materijalnom štetom, dok je broj nezgoda sa nastradalim licima i broj povrijeđenih lica smanjen.

Registровано je 827 saobraćajna nezgoda (jedna ili 0,1 % više), od čega je 749 sa materijalnom štetom (tri ili 0,4 % više) i 78 sa nastradalim licima (dva ili 2,5 % manje).

Tokom mjeseca oktobra 2020. godine u saobraćajnim nezgodama na području Kantona Sarajevo dva lica su poginula (u istom mjesecu prošle godine nije bilo poginulih lica), dok je 87 lica povrijeđeno (14 ili 13,9 % manje), od čega četiri teže i 83 lakše.

### UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO OKTOBAR 2020./19. GODINE

	oktobar 2020.	oktobar 2019.	+ ,-, %
UKUPNO SAOBRAĆAJNIH NEZGODA	827	826	+ 1 ili 0,1 %
Saobraćajne nezgode sa nastradalim licima	78	80	- 2 ili 2,5 %
Saobraćajne nezgode sa materijalnom štetom	749	746	+ 3 ili 0,4 %
POGINULO LICA	2	0	+ 2
- vozači	1	0	+ 1
-putnici	0	0	-----
- pješaci	1	0	+ 1
POVRIJEĐENO LICA	87	101	- 14 ili 13,9 %
- vozači	52	59	-7 ili 11,9 %
- putnici	26	21	+ 5 ili 23,8 %
- pješaci	9	21	-12 ili 57,1 %

U naselju je registrovano 799 saobraćajnih nezgoda (dvije sa poginulim licima, 69 sa povrijeđenim licima i 728 sa materijalnom štetom), van naselja 28 nezgoda (7 sa povrijeđenim licima i sa 21 sa materijalnom štetom).

### TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO OKTOBAR 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	3	66	728	799	2	4	74
van naselja		1	6	21	28			9
UKUPNO	2	4	72	749	827	2	4	83

Prema kategoriji puta, najveći broj saobraćajnih nezgoda registrovan je:

- na ulicama u naselju – 456 nezgoda u kojima je 29 lica nastradalo (jedno lice poginulo, 28 lica povrijeđeno, jedno teže i 27. lakše),
- na magistralnim putevima – 124 nezgode u kojima je 17 lica povrijeđeno (jedno teže i 16 lakše),
- na regionalnim putevima – 40 (pet lica lakše povrijeđeno),
- na lokalnim putevima – 21 (jedno lice lakše povrijeđeno),
- na putevima koji se ubrajaju u kategoriju ostalih – 186 nezgoda u kojima je 37 lica nastradalo (jedno lice poginulo, 36 lica povrijeđeno, dva i teže i 34 lakše).

#### POS LJEDICE SAOBRAĆAJNIH NEZGODA

U saobraćajnim nezgodama tokom mjeseca oktobra 2020. godine nastradalo je 89 lica (12 ili 11,9 % manje). Dva lica su poginula (u istom mjesecu prošle godine nije bilo poginulih lica), dok je 87 lica povrijeđeno (14 ili 13,9 % manje), od čega četiri teže (13 ili 76,5 % manje) i 83 lakše (jedno ili 1,2 % manje).

#### STEPEN POVREDA UČESNIKA U SAOBRAĆAJNIM NEZGODAMA

- Vozači : 52 vozača su povrijeđena: dva teže i 50 lakše,
- Putnici: 26 putnika je povrijeđeno: dva teže i 24 lakše,
- Pješaci: devet pješaka je lakše povrijeđeno.

Starosna struktura nastradalih lica u saobraćajnim nezgodama:

- Ispod šest godina – dva lica,
- od 6 do 17 godina – jedno lice,
- od 18 do 20 godina – jedno,
- od 21 do 24 godine – devet,
- od 25 do 30 godina – 13,
- od 31 do 40 godina – 18,
- od 41 do 50 godina – 10,
- od 51 do 65 godina – 11,
- 66 i više godina – pet,
- nepoznata starosna dob – 19 lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 701 (jedno lice poginulo, 67 lica povrijeđeno, dva teže i 65 lakše),
- neprilagođena brzina – 116 (jedno lice poginulo, 19 lica povrijeđeno, dva teže i 17 lakše),
- uticaj alkohola – dva (bez nastradalih lica),
- klizav put – osam (jedno lice lakše povrijeđeno).

Evidentirano je 14 saobraćajnih nezgoda (sedam manje) u kojima su učestvovali inostrani vozači i dvije saobraćajne nezgode u kojima su učestvovali pripadnici međunarodnih organizacija (bez nastradalih lica).



## AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2020. godine, policijski službenici Uprave policije MUP-a Kantona Sarajevo kontrolisali su:

- 14.902 vozila i vozača (6.210 manje),
- 4.751. lice u vozilima (429 više)
- pregledali 142 vozila (30 manje) i 146 lica u vozilima (16 više).

Zbog tehničke neispravnosti iz saobraćaja je isključeno:

- šest vozila (85 manje),
- 187 vozača je zatečeno da upravljaju vozilom pod dejstvom alkohola (146 manje),
- 313 bez korištenja sigurnosnog pojasa (170 manje),
- 164 bez položenog vozačkog ispita (76 manje),
- 66 pod izrečenom zaštitnom mjerom (29 manje),
- 348 vozača je zatečeno da koriste mobitel tokom vožnje (isti broj)
- 626 vozila je učestvovalo u saobraćaju bez važeće registracije (228 manje).

Zbog kršenja propisa iz oblasti sigurnosti saobraćaja uručena su 15.263 prekršajna naloga vozačima (7.818 ili 33,9 % manje u odnosu na oktobar prošle godine) i podneseno 290 zahtjeva za pokretanje prekršajnog postupka (119 ili 69,6 % više).

## MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca oktobra 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 5.774 prekršajna naloga (2.099 manje), upozoreno je 264 vozača (19 manje), a specijalnim vozilom "pauk" premješteno je 125. vozila (102 manje).

Takođe, pješacima koji su kršili propise uručeno je 88 prekršajnih naloga (155 manje), a upozoreno je 59 pješaka (5 manje).

## ZAKONITOST U RADU

Tokom mjeseca oktobra 2020. godine, registrovana su tri pojedinačna napada (jedan više) na policijske službenike Uprave policije MUP-a KS. Napade su, upotrebom fizičke snage počinila tri punoljetna lica.

Takođe, u mjesecu oktobru 2020. godine u pet slučajeva je upotrebljena sila.

Četiri upotrebe sile su opravdane, dok je jedan postupak pravdanja sile u toku.

Tokom mjeseca oktobra 2020. godine, razmatrano je 30 predstavki na rad policijskih službenika, 16 predstavki je podnesena od strane građana, dok 14 predstavki predstavljaju saznanja iz službe.

Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki izvrše provjere i prikupi dokumentacija, za 16 predstavki da se provede unutrašnja istraga, u četiri slučaja predstavka neosnovana, dok je u jednom slučaju predstavka pripojena unutrašnjoj istrazi, te u jednom slučaju pripojen spis već otvorenom spisu.

Okončane je 17 unutrašnjih istraga, od čega je Odbor donio zaključak da su četiri slučaja osnovane, šest neosnovane i sedam slučajeva je bez dovoljno dokaza.

Postupano je po 42 predstavke iz ranijeg perioda, po kojima su vođene unutrašnje istrage, tako da je ukupno vođeno 59 unutrašnjih istraga.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti, mjere i radnje, vezane za pandemiju „Koronavirusa“ (COVID-19). S tim u vezi konstantno je vršen obilazak lica kojima je izrečena mjera ograničenog kretanja, kontrola ugostiteljskih objekata, obilazak osnovnih i srednjih škola na području Kantona Sarajevo i JU „Dom zdravlja Kantona Sarajevo“.

Policajci u zajednici Uprave policije MUP-a Kantona Sarajevo su tokom mjeseca oktobra ove godine ostvarili brojne kontakte sa građanima iz reda romske populacije i migrantima čime su preventivno djelovali na pojavu narušavanja javnog reda i mira prosjačenjem i činjenja krivičnih djela krađa i drskih krađa a koje često proizilaze iz istog.

U okviru rada policije u zajednici realizovane su i slijedeće aktivnosti:

- Učestvovanje na radionici za osposobljavanje policijskih službenika i prosvjetnih radnika, za pripremu dva priručnika (PSP), za voditelje programa kao i za učenike osnovnih i srednjih škola u organizaciji „PH Internacional“,
- Učestvovanje na radionici za obuku voditelja za implementaciju programa „Socijalizacija s pravom“ u organizaciji „PH Internacional“,
- Učestvovanje na sastanku organizovanog sa predstavnikom Ministarstva za obrazovanje nauku i mlade Kantona Sarajevo i predstavnicima Visokog sudskog i tužilačkog vijeća BiH, u cilju nastavka implementacije projekta iz oblasti prevencije kriminaliteta pod nazivom „Lopov uvijek bude otkriven“.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu oktobru 2020. godine, u prihvatnim, azilantskim i imigracionim centrima boravi cca 3.093 migranta.

Tokom mjeseca oktobra 2020. godine migranti su učestvovali u tri događaja sa obilježjem krivičnog djela i to:

- silovanje (čl. 203. KZ FBiH)- jedan događaj
- krađa (čl. 286. KZ FBiH) – jedan događaj
- razbojništvo (čl. 289. KZ FBiH)- jedan događaj

Policijski službenici Uprave policije MUP-a Kantona Sarajevo su u mjesecu oktobru 2020. godine proveli ukupno 9 akcija, kontrolisali 104 migranta, od čega 66 nije posjedovalo registracijski obrazac, a 77 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC OKTOBAR 2020. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	3.093
UKUPAN BROJ KONTROLISANIH MIGRANATA	104
BROJ MIGRANATA LIŠENIH SLOBODE	1
BROJ KRIVIČNIH DJELA POČINJENIH OD STRANE MIGRANATA	3
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	6
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	9
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	77

**Sarajevo, 10.11.2020. godine**

**Odjeljenje za odnose s javnošću**